



Qeqqata Kommunia

Pisortat aqqusiniutaannik, majuartarfiutaannik pisuinnarnullu aqputigitittagaannik aputaajaasarnermut ingerlatsinermullu maleruaqqusaaq

1. Atuuffeqarfia.

Qeqqata Kommunanit pigineqartuusunik ingerlanneqartunillu pisortat aqqusiniutaannik, majuartarfiutaannik, pisuinnaat aqputigititaannik biilinullu inissiisarfiutaannik uku maleruaqqusat atuupput aammalu nunaqarfinnisuulli illoqarfinni sumiiffinni kommuni aqqusineranut oqartussaalluni.

Maleruaqqusaaq illoqarfiup nunaqarfiillu iluanni taamaallaat atuuppoq, nunap timaani aqqusineranut ATV-nut aqputinut aammalu Kangerlussuarmi sersersuup tungaanut aqqusineranut atuuttuunani.

2. Pisortat aqqusiniutaat, majuartarfiutaat pisuinnarnullu aqputigititaat suuppat?

Aqqusinerani, majuartarfinni pisuinnaalluunniit aqutaanni tamanit atugassaaq paasineqassaaq, aqquserngit, majuartarfiit pisuinnaalluunniit aqputaat pilersinneqarnikuusut Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq § 5 naapertorlugu kommunimit tiguneqarnikuusut. Pisortat kuuffissuutaannut Inatsisartut inatsisaat nr. 16, 17. november 2010-eersumi § 4 assigalugu, pisortat aqqusiniutaat ima paasineqassapput:

- Pisortat aqqusiniutaata, majuartarfiutaata pisuinnarnulluunniit aqputigititaata ataatsip illut marluk amerlanerusulluunniit sullitarissavai, tassani illut piginnittumit taassuminnga ingerlatsivimmilluunniit ataatsimit pigineqassanatik.
- Illu affarleriit immikkut piginnittulimmik A aamma B-mi agguataagaasumi ataasiinnarmik B-norme qarpoq, tassunga atatillugu illutut marluttut isigineqassaaq.

Aqqusineeraq, pisuinnaat aqputaat appakaaffissaaq imaluunniit majuartarfiit appakaaffissat inunnit pigineqartut, illumik ataasiinnarmik sullitaqassapput, imaluunniit ingerlatsivik/piginnittoq ataaseq arlalinnik illutaqartoq.

Aqqusineq ataatsimoorusaaq, majuartarfiit ataatsimoorussat imaluunniit pisuinnarnut aqputigititaq ataatsimoorusaaq inissianik arlalinnik sullitaqarpat, soorlu assersuutigalugu piginneqatigiilluni inissiaatileqatigiiffik inissianilluunniit piginnittutut peqatigiiffik, kommunimit tiguneqarnikuunngilaq, ataatsimoorussanik aqqusinerminnut, majuartarfinnut pisuinnarnulluunniit aqputigititanut ingerlatsinissaaq peqatigiiffiup akisussaaffigivaa.

Aqquserngup nunataa kuussinernut, aqquserngup ataani kuuffinnut, qullersuarunut aputinillu katersuiffiusartunik ilaqqarpoq.

Kussinerit ilanngullugu aqqusineq sinerlugu nunaminertat aputinik ilioraaviit aqquserngup qeqqaniit uuttorlugu nalinginnaasumik 7,5 m-iuvoq, nunaminertarlu taanna Inatsisartut inatsisaat nr. 16, 17. november 2010-meersumi § 22 naapertorlugu aqquserngup nunataata ilagivaa.

3. Kina aqqusinernut oqartussaasuua?

Inatsisartut inatsisaat nr. 16, 17. november 2010-meersumi § 6 malillugu aqqusinernut pingaarnertut Naalakkersuisut oqartussaasuusut. Pisortat aqqusiniutaannut biillinullu inissiisarfutaannut angallannermut inatsit atuuppoq. Inatsisartut inatsisaat nr. 16, 17. november 2010-meersumi § 6 imm. 3 malillugu pisortat aqqusiniutaannut kommuni oqartussaasuuvoq aammalu aqquserngit ingerlanneqarnerannut akisussaasuulluni.

Umiarsualiviup nunataa aamma angallaffiuvoq, Umiarsualivinni oqartussat imaluunniit Umiarsualivimmi selskabimit ingerlatassanngorlugu inissitaavoq. Aqqusineeqqanut, aqqusinernut appakaaffissanut, pulasarissanut, umiarsualivinnut, pisuinnarnut aqqutitut appakaaffissatut aamma majuartarfittut kiisalu inuinnat biilinnut inissiisarfutaannut inuinnarnit aqquserngup nunataanut nunaminertamik atugassinneqarnikuusumut aqqusinermut nunaminertami nammineq pigineqartumut saligaatsuutiisinissamut, aserfallatsaaliinissamut aputaajaasarnissamullu pisussaaffeqarpoq.

Umiarsualiviit umiarsualiviillu nunataat Umiarsualivimmi oqartussamit Umiarsualiviimilluunniit selskabimit umiarsuanik suliaqarnerup nalanaani angallannernut allanut assessorallarneqarsinnaapput, taamaattorli qatserisartut appakaassinnaanerannut periarfissaqartitsilluni.

4. Pisortat aqqusiniutaat qanoq atorineqassappat?

Pisortat aqqusiniutat, majuartarfiutaat biillinullu inissiinermut nunaminertaataat nalinginnaasumik angallannermut kikkunnit tamanit atorineqarsinnaapput. Aqqusinerni pilerseriikkani angallassisutinik motoorilinnik taamaallaat ingerlasoqarsinnaavoq, kommumit immikkoortinneqartuni ukiuunerani aqquserngit eqqaassanngikkaanni ATV-tut qamuterallattulluunniit ittunik nunami angalasoqaaqusaanngilaq.

Biilit, knallertit, ATV-it qamuterallaallu ilanngullugu angallassisutit motoorillit aqquserngup sinaani pisuinnaallunniit aqqutaanni ingerlaqqusaanngillat, taamaattorli aputaajaanermi atortut ilaatinneqanngillat. Inunnut ataaatsinut angallassisutit innaallagissamoorlut sukkanerpaamik 15km sukkatigisinnaasut pisuinnaat aqqutaanni aqquserngullu sinaani ingerlasinnaapput.

Aqquserngit ingerlaarfiit, majuartarfiit, pisuinnaat aqqutaat biillinullu inissiisarfiit ataasiakkaat isumannaallisaanermik patsiseqartumik piffissami sivikitsumi siviuserusumiluunniit Teknikkeqarnermut Avatangiisinullu immikkoortortamit matugallarneqarsinnaapput, ingerlaarfimmilu tassani angallannermut malittarisassat atugassarititaasullu immikkuullarissut aalajangersarneqartarput.

Pisortat angallannermut nunagititaani allagartarsuit taamaallaat kommunip akuersissuteqarneratigut ikkunneqarsinnaapput, tamanna allagartarsuit pilersaarutit ilanngullugu allagartarsuarnut ataavartunut nuunneqarsinnaasunullu atuuppoq.

Pisortat aqqusiniutaanni, majuartarfiutaanni, pisuinnarnut aqqutigitaanni biillinulluunniit inissiiviutaanni igitat suulluunniit ingerlaannartumik katersorneqassapput aammalu eqqaasimasumit igikkiartorneqarlutik. Eqqagassalerinermi maleruaqqusani eqqagassanut angisuunut aqqiisummi upernaakkullu saligaatsuutitsinermut atatillugu akuerineqartut minillugit, pisortat angallannermut nunagititaanni eqqagassanik inissiisoqassanngilaq. Ikaartarfinni aqquserngillu ingerlaarfiini sunnertiasuni akselit naqitsinerat akerineqarsinnaasoq killeqartinneqarsinnaavoq, taamaattoqassappat allagartarsualiinikkut paasisutissiisutigineqassaaq. Nunaqarfinni aqquserngit sumiiffiit ilaanni killilimmik nerutussuseqarsinnaapput.

Angallassisutit, atortut nalunaarsugaanngitsut imaluunniit pisortat angallannermut nunagititaanni atortut inissequsaanngillat.

Pisortat aqqusiniutaannut, majuartarfiutaannut pisuinnarnullu aqqutigitaannut appakaassinnaaneq tamatigut aqqutigisinnaasassaaq aammalu angallassisutinik, kalittakkanik, atortunik atortussaniilluunniit piffissami sivisuumi inissitanit asserneqarsimassanngilaq.

Pisortat aqqusiniutaat tamatigut Qatserisartunit, Politiinit Napparsimmavimmiillu annaassiniarnermi biilinuq ingerlaffiusinnaasaaq.

Silaannaap nillissusaa 30 grader C ataassimappagu minutsinit 30-nit sivisunerusumik mootori ingerlatiinnarlugu angallassisutit inissinneqaaqusaanngillat.

Angallassisutit nioqqaanerup ikioraanerullu nalaani aqquserngup nunataanut appakaassinnaasunik angallassisutit makittarissaateqarpata, makittarissaatit pladimut angisuunut inissinneqarsinnaasapput, taamaalilluni qalliiummi malunnarsisimassanatik.

Angallassisutit larvebåndillit savimininernillu assakaasullit immikkoortumi asfaltikkami toqqaannartumik ingerlaqusaanngillat. Angallassisutit bæltellit gummimik qalliutillit kisimik immikkoortuni asfaltikkani toqqaannartumik ingerlasinnaapput.

Aqqusinermi asfaltikkami angallassisutinit kalinneqartunik savimerngit manngersut ruujorilluunniit kaleqqausaanngillat.

5. Pisortat aqqusiniutaasa ataatingaani pilersuinermi aqqutinut aalajangersakkat.

Pisortat angallannermut nunaminertaata ataani innaallagissamut, imermut, kiassarnermut, kuuffissuarnut aamma tele-mut pilersuinermit aqqutinik matuisinnaaneq akuersissutigineqarsinnaavoq, pilersuinermi aqqutit qulaani aqquserngup nunataani nikittoortitsisinnaanngorlugit suliarineqarpata. Pilersuinermi aqqutit nunami aqqusinermi angallannerup naqitsineranik sapinngisalittut

annertussusilerneqassapput. Aqquserngup nunataani pilersuinnermut aqqutinut katiffiit assiaqutaat pilersinneqarsinnaapput, portussusaat ajoqutaajunnaarlugu suliarineqarpata aammalu katiffiit assiaqutaat angallannermit artukkerneqarsinnaanissaq sapissanngilaat.

Pisortat aqqusinnermut nunaminertaataata ataani pilersuinnermut aqqutinik pilersitsisoqannginnerani, Inatsisarut inatsisaat nr. 16, 17.11.2010-meersumi § 23 naapertorlugu assaasinnaanermut qinnuteqartoqassaaq. Assaasinnaanermut akuersissutip nassiunnissaanut sanaartortitsisoq akisussaasuvoq pilersuinnermilu aqqutini suliaqarnermi pisortat angallannermut nunaminertaataani ajoqusiisimasinnaanerit sanaartortitsisumit iluarsaanneqassapput.

6. Kuussinernut aqquserngullu ataani kuuffinnut aalajangersakkat.

Nunap qaani imikoq illullu qaavanit kuuttoq kiisalu nunamut imermik errortuutikumik kuutsitsineq unioqqutitsinngitsaq suli kuussinernut kuutsinneqarsinnaavoq.

Aqquserngup sanilequtaanik, anillaffissamik appakaanissamullu pisuinnaat aqqutaannik attaviliineq kommunimit akuersissutigineqassaaq (nunaminertamik atugassinneqassaaq) aammalu kuussinerit qulaatigut minnerpaamik iluatungaani diameteri Ø400mm-imik aqquserngup ataani kuuffilerneqassalluni, taamaalilluni kuussineri imeq suli kuutsinneqarsinnaaniassammat aqquserngullu ataani kuuffik salinneqarsinnaaniassammat.

Pisortat aqqusiniutaanni imermik kuuttoqarpat serminnguuttumik, kommuni sermiiqaanermik ingerlatsissaaq. Imermik kuutsitsineq taanna illumik pilersuinnermulluunniit aqqummik pequteqarpat, sermiiqaaneq illumik pilersuinnermulluunniit aqqummik piginnittumut akiligassanngorlugu ingerlanneqassaaq.

7. Aputaajaaneq siorarterinerlu.

Illoqarfinni aamma Kangerlussuarmi pisortat aqqusiniutaannik aputaajaanissamik siorarterinissamillu kommuni aallartitsissaaq, tullinguuttutigut pingaarnersiukkamik:

1. Qatserisartut, peqqinnissaqarfiup, eqqaavilerisut bussillu ingerlaarfiinut aqquserngit pingaarnerit,
2. Aqquserngit sinneri,
3. Pisuinnarnut aqqutit anginerusut pisortallu majuartarfiutaat
4. Pisortat biilnut inissiisarnermut nunaminertaataat
5. Pisuinnaat aqqutaat minnerit, ATV-nut aqqutit, ukiuunerani aqqutit aqqutillu pinngortitamiittut nalinginnaasumik aputaajaarneqarneq siorarterneqarnerlu ajorput.

Illoqarfinni aputaajaaneq siorarterinerlu nalinginnaasumik taamaallaat piffissami nal. 04:00 - 22:00 pissaaq.

Nunaqarfiit sinnerini qatserisartunut eqqaavilerisunullu appakaassinnaanermut periarfissat kiisalu nunaqarfinni aqquserngit pingaaruteqarnerusut aputaajarneqarlutillu siorarterneqartassapput. Aputaajaanerup siorarterinerullu

annertussusaa annikinnerusinnaavoq aammalu taamaallaat ATV-nik, angallassissutiniq 4-hjulinut qamuterallannulluunniit suliaalluni. Nunaqarfinni aputaajaaneq siorarterinerlu nalinginnaasumik taamaallaat piffissami nal. 07:00 - 17:00 pissaaq.

Isumannaallisaanermut immikkut aalajangersakkatut inissiani aqquserngit ingerlaffiiniq aputaajaanermik siorarterinermilluunniit aallartississanngilaq, soorlu makkunani:

- aqqusinermi qaartiterutaasiviup eqqaani tikinneqaqqusaanngitsup iluani
- imeqarfiup killeqarfiup iluani aqqusinermi ingerlaarfimmi pisortat angalanissaannut aatsaat immikkut akuersissuteqartoqarsimappat
- tankeqarfiup palleqqausaanngitsup iluani aqqusinermi

Aputaajaanermi inuinnaat aqqusiniutaasa avalequtaasa naanerini, pisuinnaap aqquutaanni appakaaffissani anillaffissanilluunniit aputiniq katersuuffinnik minnerusumik pilersoqarsinnaavoq. Aqquserngup avalequtaanik, pisuinnaat aqquutaannik appakaaffissamik anillaffissamilluunniit piginnittuusoq/atuisuusoq nammineerluni pisortat aqqusiniutaata nunaminertaanut apummik illuartitsilluni aputaajaanissaq nammineq isumagisassarivaa.

Pisortat aqqusiniutaanniit nammineq isaarissamut, nammineq allakkanik nakkartitsivimmut namminerlu eqqaavigisamut aputaajaanissaq siorarterinissarlum illumik atuisuusup nammineq isumagisassarivaa.

Aqquserngup nunataata qanittuani sikkiliniq, aneerussivinnik assigisaanilluunniit inissiisoqarpat, taakku ersarissumik seqersittartumik nuisasumik nalunaaqutserneqassapput, taamaallutik aputaajaasumut ersiinnarlutik. Sikkilini, aneerussivinni assigisaannilu inissitani aqqusaarsinermut taarsiisoqarneq ajorpoq, ersarissumik nalunaaqutserlugit inissinneqarsimappata apummilluunniit matuneqarsimappata.

8. Saaffiginnissutit.

Aqqusinerneq, pisuinnaat aqquutaanni, majuartarfinni biilinullu inissiisarfinni aputaajaanerup kingorna ajoqusiinernik paasisaqartoqarpat, tamanna kommunimut nalunaarutigineqassaaq, angallannermi ajutoornerit Politiiqut nalunaarutigineqassapput.

Aputaajaaneq siorarterinerlu pillugit pinartumik saaffiginninnerit uunga saaffiginnissutigineqarsinnaapput:

Sisimiuni Kommunip sannavia oqarasuaat 864322 / aputaajaaneq oqa. 526622, allat oqa. 585877.

Kangerlussuaq oqarasuaat 531859.

Maniitsoq oqarasuaat 520808 / 520435 / 520828.


Kommunip pisortatut aqqusiniutai tamaasa eqqarsaatigalugit saaffiginninnerit Qeqqata Kommunian e-mail geqqata@geqqata.gl oqarasuaammilluunniit 702100 saaffiginnissutigineqassapput.

9. Atuutitsineq.

Pisortat aqqusiniutaannut appakaannissamut assiaqutinngorlugit aqquserngup nunataani imaluunniit aqqusinermut isikkivimmik annikilliliillutik atortut atortorissaarutillu inissinneqarsimasut, piginnittumut akisussaaffilerlugit akiligassanngorlugillu ilisimatitseqqaarani nuunneqassapput. Atortut kuutsitat katatalluunniit aqquserngup nunataaniit ingerlaannaq peerneqanngitsut, piginnittumut akisussaaffilerlugit akiligassanngorlugillu ilisimatitseqqaarani aqquserngup nunataaniit eqqagassatut assartugassanngorlugit inissiisarfimmulluunniit inissitassanngorlugit nuutsinneqassapput.

10. Atuutilerfia.

Kommunalbestyrelsimi akuersissuteqarnerup kingorna ullut 30-it ingerlaneranni maleruaqqusaq atuutilissaaq. 2022-mi 23. juni-mi Qeqqata Kommunalbestyrelsianit akuersissutigineqarpoq.



Malik Berthelsen
Borgmesteri



Juliane Henningsen
Kommunimi pisortaaneq

Maniitsoq Kommunemut aqqusinermi maleruaqqusaq 1.3.1990-imeersoq 1.4.2015 atorunnaarsinneqarpoq.

Nunamut imermik errortuutikumik kuutsitsineq pillugu malittarisassanut lermik errortuutikumik kuutsitsinermut maleruaqqusamut innersuussutigineqarpoq. Kommunip maleruaqqusai, assaasinnaanermut akuersissummut qinnuteqarnermi immersugassaq akigitallu pillugit paasissutissat kommunip allaffianut saaffiginninnikkut pissarsiarineqarsinnaapput imaluunniit nittartakkami: www.qeqqata.gl